

2022 թվականի հոկտեմբերի 4-8-ը

Բելառուսի Հանրապետություն (ք. Մինսկ) գործուղման արդյունքների մասին

1. Անունը, ազգանունը՝

- Աշոտ Մուրադյան
- Նարինե Ֆահրադյան
- Նարինե Միկիչյան

2. Զբաղեցրած պաշտոնը՝

- ՀՀ պետական եկամուտների կոմիտեի նախագահի տեղակալ
- ՀՀ ՊԵԿ Միջազգային համագործակցության վարչության հարկային համագործակցության բաժնի գլխավոր հարկային տեսուչ
- ՀՀ ՊԵԿ Միջազգային համագործակցության վարչության հարկային համագործակցության բաժնի գլխավոր հարկային տեսուչ

3. Գործուղման վայրը և ժամկետները՝

Բելառուսի Հանրապետություն, ք. Մինսկ, հոկտեմբերի 4-ից 8-ը

4. Հրավիրող կողմը՝

Բելառուսի Հանրապետության Հարկերի և գանձումների նախարարություն

5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)՝

Գործուղման նպատակն էր՝ մասնակցել ԱՊՀ մասնակից պետությունների Հարկային ծառայությունների ղեկավարների համակարգող խորհրդի (Координационный совет руководителей налоговых служб государств – участников СНГ - ԱՊՀ ՀԾՂՀԽ) 29-րդ նիստին, նիստի օրագրագում ընդգրկված հարցերի քննարկմանը, նիստի ընթացքում նախատեսվող քվեարկություններին, նիստի

արդյունքներով կազմված արձանագրության ստորագրմանը, ինչպես նաև ԱՊՀ ՀԾՂՀԽ գլխավոր նիստի նախօրեին կազմակերպվող փորձագետների նիստին:

## **6. Քննարկված թեմաները՝**

Ս/թ հոկտեմբերի 5-ից 7-ը կայացած ԱՊՀ ՀԾՂՀԽ հերթական 29-րդ նիստի ընթացքում քննարկվել են մի շարք հարցեր, այդ թվում.

- ԱՊՀ ՀԾՂՀԽ-ի մասնակից պետությունների կողմից 2021-2022թ. Աշխատանքային ծրագրի կատարման արդյունքների ամփոփում և 2022-2023թ. Աշխատանքային ծրագրի նախագծի մշակում.

- Մինչև 2030թ. ժամանակաշրջանի համար ԱՊՀ տնտեսական զարգացման ռազմավարության առաջին փուլի (2021-2025թթ.) իրագործմանն ուղղված միջոցառումների ծրագրի կատարման ընթացքի ամփոփում.

- 2018թ. նոյեմբերի 2-ին ստորագրված «Հարկային վարչարարություն իրականացնելու նպատակով ԱՊՀ մասնակից պետությունների միջև էլեկտրոնային եղանակով տեղեկություն փոխանակելու մասին» արձանագրության շրջանակներում կատարված աշխատանքների արդյունքների քննարկում.

- ԱՊՀ ՀԾՂՀԽ անդամ հարկային մարմինների միջև էլեկտրոնային եղանակով տեղեկատվության փոխանակման համակարգի առկա խնդիրների և էլեկտրոնային եղանակով տեղեկատվության փոխանակման բնագավառում հարկային համագործակցության կատարելագործմանն ուղղված առաջարկությունների ներկայացում, ինչպես նաև համակարգի հետագա զարգացման ուղիների սահմանում.

- 2021թ. համար ԱՊՀ մասնակից պետությունների հարկային մարմինների կատարած աշխատանքների ցուցանիշների, ինչպես նաև 2022թ. հունվարի 1-ից ուժի մեջ մտած հարկային օրենսդրության փոփոխությունների ներկայացում.

- ԱՊՀ մասնակից պետությունների համար հարկային ոլորտի կադրերի պատրաստման, մասնագիտացված վերապատրաստման և որակավորման բարձրացման գծով Բազային կազմակերպության հաշվետվության ներկայացում.

- ԱՊՀ ՀԾՂՀԽ-ի կազմում գործող 6 աշխատանքային խմբերի կողմից կատարված աշխատանքների ամփոփում, ինչպես նաև նոր աշխատանքային խմբի՝ «ԱՊՀ

մասնակից պետությունների հարկային մարմիններում հաճախորդամեղ սկզբունքների ներդրում» ստեղծում.

- նիստի գլխավոր թեմայի՝ «Հարկ վճարողների սպասարկման որակի բարձրացումը. Ինտերակտիվ ծառայությունների զարգացումը հետադարձ կապի և օգտվողների փորձի հետազոտման հիման վրա» վերաբերյալ մասնակիցները հանդես են եկել իրենց երկրներում նշված ուղղությամբ իրականացվող աշխատանքների մասին զեկույցներով ու շնորհանդեսներով.

- ԱՊՀ ՀԾՂՀԽ-ի հաջորդ 30-րդ նիստի օրակարգի նախագծի մշակում և գլխավոր թեմաների սահմանում: Նշենք, որ քննարկումների արդյունքում հաջորդ տարվա ՀԾՂՀԽ-ի գլխավոր թեմաներ են ընտրվել՝ «Կադրային ներուժի զարգացումը» և «Հարկային վարչարարության արդյունավետության բարձրացման համար տեխնոլոգիական (թվային) որոշումների և տվյալների մեծ զանգվածի վերլուծության մեթոդների կիրառումը»:

## **7. Հանդիպումները, ելույթները, բարձրացված կամ քննարկված հարցերը՝**

Հանդիպումներ են տեղի ունեցել Բելառուսի Հանրապետության, Ռուսաստանի Դաշնության, Ղազախստանի Հանրապետության, Ղրղզստանի Հանրապետության, Ուզբեկստանի Հանրապետության և Տաջիկստանի Հանրապետության հարկային մարմինների պատվիրակությունների ղեկավարների հետ, քննարկվել են երկկողմանի հետաքրքրություն առաջացնող հարցեր:

Նիստերի ընթացքում ՀՀ պատվիրակության ղեկավար՝ ՀՀ ՊԵԿ նախագահի տեղակալ պրն. Աշոտ Մուրադյանը, հանդես է եկել զեկույցով՝ ներկայացնելով ՀՀ Հարկ վճարողների սպասարկման որակի բարձրացմանն ուղղված վերջին տարիների ընթացքում կատարված աշխատանքները, արձանագրված ձեռքբերումներն և հետագա ծրագրերը:

## **8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝**

ԱՊՀ ՀԾՂՀԽ-ի 29-րդ նիստի ընթացքում՝ խորհրդի նախագահությունն անցել է Բելառուսի Հանրապետության Հարկերի և գանձումների նախարարին, իսկ Ղազախստանի Հանրապետության Ֆինանսների նախարարության պետական

եկամուտների կոմիտեի նախագան դարձել է Խորհրդի համանախագահ: Որոշվել է, որ 2023թ. նախատեսվող ԱՊՀ ՀԾՂՀԽ հերթական նիստն անցկացվելու է Ղազախստանի Հանրապետությունում և Խորհրդի նախագահությունն անցնելու է Ղազախստանի Հանրապետության Ֆինանսների նախարարության պետական եկամուտների կոմիտեին:

ԱՊՀ ՀԾՂՀԽ-ի 29-րդ նիստի արդյունքներով ստորագրվել են Խորհրդի ղեկավարների և փորձագետների նիստերի արձանագրությունները:

### **9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները՝**

Նիստի ընթացքում քննարկվել են գալիք տարում իրականացվող մի շարք ծրագրեր, այդ թվում.

- 2023 թվականին կայանալիք «Միջազգային հարկային շաբաթի» ընթացքում նախատեսվել է իրականացնել համաժողով՝ ԱՊՀ ՀԾՂՀԽ անդամ հարկային մարմինների միջև էլեկտրոնային եղանակով տեղեկատվության փոխանակման համակարգի շրջանակներում 2022 թվականին իրականացված ՀՀ ՊԵԿ, Բելառուսի ՀԳՆ և Ռուսաստանի դաշնության ՖՆ համատեղ պիլոտային ծրագիրը ներկայացնելու նպատակով.
- Մինչև 2023 թվականի հուլիս ամիսը իրականացնել սեմինար՝ 2018թ. նոյեմբերի 2-ին ստորագրված «Հարկային վարչարարություն իրականացնելու նպատակով ԱՊՀ մասնակից պետությունների միջև էլեկտրոնային եղանակով տեղեկություն փոխանակելու մասին» արձանագրության հիման վրա հարկային մարմինների միջև իրականացվող տեղեկատվության փոխանակման արդյունքում առաջացած խնդիրների մասով լուծումների քննարկման, ինչպես նաև հնարավոր ռիսկերի վերլուծության վերաբերյալ.
- Մինչև 2023 թվականի ապրիլի 1-ը համապատասխան Աշխատաքային խմբի կողմից հարկային մարմինների միջև իրականացվող տեղեկատվության փոխանակման ֆորմատների փոփոխության նախագծի մշակում և ներկայացում կարծիքի անդամ հարկային մարմիններին.

- 2023 թվականին նախատեսվում է իրականացնել սեմինար՝ «Տրանսֆերային գնագոյացման գործնական կիրառման և հետագա կատարելագործման» վերաբերյալ:

10. Ստորագրությունը, ամսաթիվը



10.10.2022թ